

之不可爲而後可與語道矣故曰吾將以爲教父  
道真仁靜先生曹道冲曰人莫不謂自己之所見爲是而教  
人使從亦我須當教人而於義宜然而後教之

黃茂材曰損之而益益之而損人情物理古今皆然當是時  
儒墨各自名家其爲道雖不同而其教人未嘗或異至於以  
強梁爲戒尤老氏所尚故曰吾將以爲教父雖然其教人者  
止於是矣而其妙有不言之旨父不能傳於其子子不能受  
之於其父豈可得而教人哉

程大昌曰此謂強梁者不得其死古必嘗有是語而時人已  
有師之者矣故引人言以證已教而曰人之所教我亦義教

道藏輯要

道德真經  
彭鶴林集註

堯

心集七  
小文4

之言不止我之立教獨出於此也既已表發其語而又尊之  
以爲教父

林東曰人之所教者亦我以理義論而教之故強梁者去強  
梁而免死吾將以爲教父我主其教得以制其子也

天下之至柔章第四十三

天下之至柔馳騁天下之至堅無有入於無間是以知無爲之  
有益也

御註曰柔之勝強無之攝有道之妙用實寓於此棄事則形  
不勞遺生則精不虧茲所以爲有益

碧虛子陳景元曰至柔者水也至堅者金石也天下者汎舉

也馳騁猶奔競不息貌

王弼曰無有不可窮至柔不可折以此推之故知無爲之道而有益於物也

涑水司馬光曰太山之溜穿石形之細者無若微塵然不能入無隙之物唯無有乃可以入於無間

頴濱蘇轍曰以堅御堅不折則碎以柔御堅柔亦不靡堅亦不病求之於物則水是也以有人有捍不相受以無入有無未嘗勞有未嘗覺求之於物則鬼神是也是以聖人唯能無爲故能役使眾強出入眾有

清源子劉驥曰經云道常無爲而無不爲無爲者寂然不動

道藏輯要

道德真經  
彭鶴林集註

幸

心集七  
x 7 1

天下之至柔也無不爲者感而遂通馳騁天下之至堅也以至神鬼神帝生天生地天下之至堅其孰能當之無有者道也無間者虛空無爲也經所謂人能虛空無爲非欲於道道自歸之故無有人於無間注焉而不滿酌焉而不竭廣乎其無不容淵乎其不可測故是以知無爲之有益也

黃茂材曰天下莫柔弱於水而攻堅強者莫之能先無有爭之爲患也古之真人入水不濡入火不熱無有形之爲累也人能用其至柔造於無有何堅之不攻何往之不入斯二者非夫無爲之功不能至焉

程大昌曰謂柔能勝剛者非曰直致而可以必遂也彼以剛

來此不與抗常自處於雌弱而待其有隙之可乘列子固嘗喻之以水矣莊子又嘗喻之以風矣此一物者非不能極其馳騁也然使水而礙山風而觸石其能入乎則馳騁者有時而不得常遂也若夫超有而無也者生生化化而無所於待運道物物而莫之或撓則豈守柔待間者之所能及也不言之教無爲之益天下希及之矣

御註曰不言之教設之以神無爲之益不虧其真聖人以此抱樸而天下賓無爲而萬物化故及之者希

碧虛子陳景元曰聖人觀天道之自然而謹身節用飭容儀以悟物故不言而其教行若乃有爲則滯迹損物旣而無爲

道藏輯要

道德真經  
彭鶴林集註

主

心集七  
卅六三

則利益甚多故知清靜簡易之道誠南面之至術則天下希及之也經曰知我者希則我貴矣

黃茂材曰載籍以來立大功建大業其著見於有爲之跡世有人焉至於不言之教無爲之益至人君子修於方寸之間及其成也旁日月挾宇宙揮斥八極之表非夫有爲之功所能髣髴其萬一故曰希及之矣

名與身章第四十四

名與身孰親身與貨孰多

御註曰非所親也非所多也

穎濱蘇轍曰夫忘我者身且不有而況於名與貨乎